


Tago de la Esperanta libro kaj kulturo: por interkompreni?o interkultura



La Zamenhofa tago, la 15-an de decembro estas la naski?tago de L. L. Zamenhof (1859-1917), la iniciatinto de Esperanto, kaj la plej vaste celebrata festotago en la Esperanto-kulturo.

En tiu tago, esperantistoj tra la mondo okazigas specialajn renkonti?ojn por festi la okazon. La idearo de Esperanto kaj la proksimeco de la Zamenhofa tago al Kristnasko instigas la kunvenintojn inter?an?adi donacojn (prefere librojn verkitajn en Esperanto) kaj bondezirojn. Kompreneble okazas dum tiaj kunvenoj anka? prelegoj pri L. L. Zamenhof.

La? iniciato de unu el niaj plej signifaj verkistoj, Julio Baghy, ni festas je la 15-a de decembro anka? la Esperantan kulturon. Por la plialtigo de la spirita nivelo de la esperantistaro, Baghy proponis en 1931), ke la Zamenhof-tago estu anka? la tago de la Esperanta libro, Esperanto-literaturo, kulturo.

Legemuloj, kleri?emuloj pri la esperantaj literaturo kaj kulturo estas invitataj a?eti libron a? komenci legadon de nova esperanta libro, anka? per tio celebru la Esperanto-literaturon je tiu tago.

Hodia? ekzistas kaj plukreskas abunda, tutmonda esperanta literaturo (originala kaj tradukita), kiu same, kiel la lingvo mem celas disvastigi la diversajn kulturverkojn, kaj samtempe ebligi al alilingvanoj ?ui la verkojn de alietnanoj, tiel kontribuante al justa, egalrajteca komunikado, kun respekto al lingva kaj kultura justecoj, ri?eco, diverseco kaj strebante al la konservado de tiuj.

Lige al tiu ĉi festinda tago, Universala Esperanto-Asocio, en sia 1000-a Gazetara Komunikado, ankaŭ emfazis ke en la Zamenhofa tago, “ni festas ne nur lian rolon en la ekaperado de tiu internacia lingvo, sed precipe liajn homamajn principojn. Per liaj streboj, krom la plej disvastiĝinta internacia planlingvo, Esperanto estas ankaŭ klopodo por kompreniĝo inter homoj el diversaj kulturoj.”

<https://www.radiohc.cu/eo/noticias/cultura/279889-tago-de-la-esperanta-libro-kaj-kulturo-por-interkomprenigo-interkultura>



Radio Habana Cuba